



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.



About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





CONSTITUTIONES
COLLEGII
LUDOVISIANI
HIBERNORUM



ROMÆ MDCCLXXIII.

EX PALLADIS TYPOGRAPHIA
PRÆSIDUM FACULTATE





M A R I U S
TIT. S. AUGUSTINI S. R. E.
PRESBYTER CARDINALIS
M A R E F U S C U S
SS. BASILICÆ LATERANEN. ARCHIPRESB.
E T
REGNI HIBERNIÆ PROTECTOR

ALUMNIS COLLEGII LUDOVISIANI
SALUTEM IN DOMINO.



X quo SS. Pontifex CLEMENS XIV.
in partem me vocare dignatus est
paternæ illius sollicitudinis, qua maxime urgetur,
catholicæ Fidei non modo tuendæ, sed propa-
gandæ apud vestram gentem, charissimi in Christo
Fili;

Filii; jussitque me Apostolici Visitatoris munere in isto Collegio perfungi: ita mihi ipsius Fidei auctorem Christum Dominum propitium esse velim; uti tantum quidem oneris sic accepi, ut quasi eodem inflammatum studio caritatis erga vos, atque omnium officiorum religione obstrictum arbitrarer.

Video enim, vos esse eam sobolem, id Christi operariorum Seminarium, qui optimis morum, & doctrinæ præceptis eruditi, ad patriam redeunt, possitis aliquando illam a perniciosis erroribus plane ereptam in pulcherrima veritatis luce collocare. Hæc mens, hæc voluntas fuit præstantissimi Cardinalis Ludovici Ludovisii, quem vestri Collegii authorem, fundatorem, patronum & honoris causa nominamus, & nunquam satis collaudare possumus. Hæc spes tenet Sanctissimum Pontificem; atque in hoc præcipue maximæ curæ nostræ consumuntur, ut nihil nobis prætermittendum putemus, quod communibus Collegii vestri rationibus, atque ornamentis augendis expedire videatur. Huc demum referuntur leges, quas partim veteres restituere, partim novas constituere visum est, quæque quid institutum, quid professio vestra postulet, declarant.

Habetis igitur, adolescentes optimi, hujusmodi leges in hoc libello descriptas, quas si sancte (ut par est) diligenterque servetis, non dubito, quin
ea

ea vocatione , qua vos in Apostolorum sortem vocavit Deus , sitis digne ambulatori , ac noster hic qualiscumque labor , pro incremento Catholicae Religionis , & pro vestris commodis susceptus , fructus amplissimos sit consequuturus . *Prodeunt* (verbis utar SS. Præfulis, & Card. Caroli Borromæi) *illæ nunc quidem ex intimis animi nostri sensibus in lucem , in sinumque vestrum recta festinant : vestra jam interest prompte eas excipere, libenter amplecti, diligentissime observare, atque eo in honore semper habere, quem earum equitas, & nostra erga vos pietas, & fides vestra, & vestrum obediendi institutum efflagitare videtur. Nam labor noster, ac studium, quod in hisce condendis adhibuimus, irritum plane esset, & vos præterea omni fructu, quem ex illis capere oportet, omnino careretis, si vos opera sollicitudinique nostræ, vestris animis, studiis vestris haud respondeatis: hasque nostras, quas vobis in præsentia offerimus, Constitutiones toto pectore non amplectamini (1).*

Ex ædibus nostris Idib. Februarii MDCCLXXIII.

(1) Prooem. Infit. ad Oblat.

I M P R I M A T U R

**Si videbitur Reverendissimo Patri Mag. Sacri Pal. Ap.
*D. Patriarch. Antioch. Vicefg.***

I M P R I M A T U R

**Fr. Thomas Augustinus Ricchini Magister Sacri
Palatii Ap. Ord. Prædic.**

CARDINALES PROTECTORES

REGNI HIBERNIÆ

a Fundatione Collegii .

1. LUDOVICUS LUDOVISIUS creatus Cardinalis die 15. Februarii an. 1621. Hibernorum Regni Protector, & Fundator Collegii, obiit die 18. Novembris an. 1632.

2. ANTONIUS BARBARINUS creatus Car. die 30. Augusti an. 1627. Hibernorum Regni Protector, obiit die 5. Augusti anno 1671.

3. PALUTIUS PALUTIUS ALBERTONUS creatus Cardinalis die 14. Januarii anno 1664. Regni Hiberniæ Protector, obiit die 29. Junii an. 1698.

PRÆCIPUE COLLEGII

Vicissitudines sub iisdem Cardinalibus Protectoribus .

1. Anno 1628. Collegium Hibernorum Romæ fundatur, & traditur cura Patrum Franciscanorum strictioris observantia Conventus S. Isidori de Urbe. Mandato Cardinalis Fundatoris a P. Luca Wadingo ejusdem ordinis, & Collegii Præside Constitutiones pro eodem Collegio exarantur, & a Cardinali Fundatore approbata, Id. Jan. in Collegio promulgantur.

2. Anno 1635. Collegium a cura PP. S. Isidori transfertur ad Cler. Regulares S. J. ex Testamento Card. Fundatoris. P. Alexander Gottifredus primus Rector e Societate, Constitutiones Collegii magna ex parte refixit, novasque confecit.

3. Anno 1693. MARCUS ANTONIUS Cardinalis BARBADICUS Episcopus Montisfalisci ab INNOCENTIO PP. XII. Apostolicus Vistator Collegii constituitur. Is collabentem disciplinam & œconomicam rerum administrationem sapientissimis decretis restituere curavit.

VIII.

4. JOSEPH RENATUS IMPERIALIS creatus Cardin. die 13. Februarii an. 1690. Hiberniæ Regni Protector, & Collegii Visitator Apostolicus, obiit die 15. Januarii an. 1737.

5. NERIUS CORSINUS creatus Cardinalis die 14. Augusti an. 1730. Regni Hiberniæ Protector, obiit die 6. Decembris an. 1770.

6. MARIUS MAREFUSCUS creatus Car. die 29. Januarii an. 1770. Regni Hiberniæ Protector, & Collegii Visitator Apostolicus.

4. Anno 1719. Idem RENATUS Cardinalis IMPERIALIS Protector, Apostolici Visitatoris auctoritate a CLEMENTE PP. XI. auctus, Collegium usque ad annum 1737. moderatur.

6. Anno 1771. Eidem MARIO Cardin. MAREFUSCO Protect., Apostolica Visitatio Collegii a SS. D. N. CLEMENTE PP. XIV. demandatur. Apostolicis literis anno 1772. immediata jurisdictioni Cardinalis Hiberniæ pro tempore Protectoris Collegium subjicitur: ejus administratio Clericis Regularibus Societatis Jesu adimitur; & cura Presbyterorum Sæcularium perpetuo addicitur. Denique anno 1773. Cardinalis Fundatoris Constitutiones veluti postliminio revocantur, accuratius disponuntur, & explicantur; eisque nova, qua desiderari videbantur, adjiciuntur: omnesque simul Alumnis servanda proponuntur.

CA-



CAPUT PRIMUM.

De Regimine Domus.



UM sine legibus nulla hominum societas stare diu ac florere possit; idcirco Constitutiones, legesque nos pro Ludoviciano Hibernorum Collegio statuendas, vel potius præstantissimi Fundatoris Regulas veluti postliminio revocandas censemus. Ac primum de regimine Domus.

Suprema igitur potestas cum a SS. D. N. CLEMENTE PP. XIV. sit ad Eminentissimum Protectorem delata; æquum sane est, ut omnis rerum Collegii Administratio inter Collegii Præsidentem, Rectoremque ita transigatur, nihil ut fiat nisi aut consensu, aut imperio Eminentissimi Protectoris.

Erit autem Præses unus ex Romanæ Curiae Præsulibus spectatæ probitatis ab Eminentissimo Protectore destinatus. Rector vero Presbyter Sæcularis ætate provectus, probitate, doctrina, & rerum usu spectatus, nec non oeconomicæ facultatis apprimè intelligens, qui & ipse ab eodem Eminentissimo Protectore seligatur.

A

Re.

1. Brev. dat. die 18. Sept. 1772.

CONSTITUTIONES

Rector, cui domesticæ disciplinæ custodia præfertim commissæ est, communis vitæ honestatem, & commoda, ad quæ alios docendo, & admonendo dirigit, ipse prior opere profiteatur, & teneat. Verum nihil unquam alicujus momenti sine Præsidis auctoritate, & consilio suscipiat, aut innovet, imo in dubiis, quæ sæpe occurrunt, vel de vacationum, aut studiorum temporibus, vel de augendo, minuendoque numero, aut stipendio inservientium, vel de promovendis Alumnis ad Sacros Ordines, deque re alia quacumque. Præsulem certiolem faciat, ejusque consilium exquirat; ut hic, si rem tam magni momenti existimaverit, ipsum consulat Eminentissimum Protectorem.

Quæ vero majoris momenti inciderint negotia, quæque præcipue totius disciplinæ, & institutionis rationem respiciant; ea continuo ad Eminentissimum Protectorem deferantur: ut ordine procedant omnia, & suaviter disponantur.

CAPUT II.

De Admittendis ad prædictam Domum.

Sacro sanctæ Tridentinæ Synodi Patres cum Episcopos ad erigenda ubique locorum Seminaria, in quibus Juvenes portantes *jugum ab adolescentia suâ* sanis doctrinis, & sanctis moribus imbuerentur, vehementer hortarentur; decreverunt, ut in ea tantummodo illi reciperentur, ¹ *quorum indoles, & voluntas spem afferret, eos Ecclesiasticis Ministeriis perpetuo infervituros*. Quæ cum ita sint, cautio sane plurima in Ado-

1. Conc. Trid. Sess. 23. de Reform. Cap. XVIII.

COLLEGII LUDOVISIANI

Adolescentium electione adhibenda est , ut non hominum officiis , sed accurata quidem consideratione optimæ tantum indolis testimonio commendati eligantur , qui *studium præferant Deo & Ecclesiæ inserviendi* ; ne ex turpi eorum desertione alimentorum dispendia Collegium patiatur , neve Catholica Hibernæ Ecclesiæ Ministris suis , & Operariis defraudetur .

Quemadmodum ergo nemo Alumnorum Eminentiſſimo Protectore inconsulto removeri poterit , ita neque eligi , atque admitti sine ejusdem facultate , atque consensu . Nunquam autem erunt prætermittenda requisita , quæ ex præscripto INNOCENTII PAPÆ X. ¹ necessaria sunt Alumno cuilibet in Collegium admittendo .

Ac primo quidem perpendatur , an sit Hibernus , in aliqua scilicet Hibernorum provincia natus ; an Parentibus catholicis , legitimoque matrimonio genitus : an sit bonæ conditionis , & famæ , nec non suscepti Baptismatis authenticum testimonium exhibeat . Rursusque an Catholicæ fidei extiterit sedulus cultor . Præterea nemini pateat ingressus , si decimum sextum non attigerit annum , seu excesserit vigesimum , ita ut latinis , humanisque litteris sit imbutus , & ingenio , ac valetudine sua præbeat spem se labore , & industria sua in gravioribus disciplinis , rebusque Ecclesiasticis maxime profecturum , ut cum Patriæ fructu , & sine Ecclesiæ scandalo valeat in agro Dominico aliquando operari . Quare Adolescentes suspectæ fidei ab hujusmodi Domo arceantur ; item licentioris vitæ , vagantes , cæterorum corruptores , & qui alicujus Regularis Instituti habitum abjecerint , vel utcumque Apostatæ fuerint ,

A 2

vel

CONSTITUTIONES

vel quavis turpitudinis nota censeantur affecti , penitus respuantur .

His accurata perquisitione cognitis , Rector statim Præsuli referat , ut ab hoc Eminentissimus Protector de omnibus fiat certior , ejusdemque arbitrio vel admittatur Alumnus , vel rejiciatur .

Præterea illi , quos Eminentissimus Protector admittendos jusserit , antequam in Alumnorum album referantur , ac habeantur ut Alumni , per aliquod temporis spatium prudentia , atque arbitrio Rectoris definiendum , detineantur veluti in peregrinorum Cubiculo , & tamquam hospites existimentur .

Interim Rector , & Præfectus præ oculis semper habentes quales aliquando Adolescentes curæ suæ commissi futuri sint ; illorum ingenia , studia , animorumque propensiones , ex quibus facile provectionis ætatis conjectura duci potest , serio scrutentur . Quod autem de singulis judicium fecerint cum Præsule communicent , ut ab eo singula Eminentissimo Protectori significantur , cujus judicio vel pro Ecclesia & Missionibus nutriantur , vel sæculo restituantur .

Verum inter hæc omnia illud in primis curandum est , ut hi Adolescentes spiritualibus vacantes exercitiis per dies aliquot , prout Rectori videbitur , vocationis suæ circumspeciant officia : Quo tempore etiam Collegii regulas evolvant , videantque utrum iis servandis , divina gratia adstipulante , se accommodare possint , ac velint . Generali etiam Confessione totam vitam excutiant , & festinantes *veterem hominem expoliare , ac novum induere , qui secundum Deum creatus est* , curent omnino propriam expiare conscientiam .

Quod

COLLEGII LUDOVISIANI

Quod si idem Eñus Protector Alumnum ita ad probatum, electumque voluerit, hic statim, præter pecuniam, quæ sibi necessaria erit ad aliquot minutiores sumptus ære proprio faciendos, etiam deponere teneatur apud Rectorem tantum pecuniæ, quantum sibi ad reditum in patriam sufficiat. Quam quidem pecuniam etiamsi adamussim hic definire nemo possit, cum subsidium adjungendum ex pensionibus domus a Jacobo III. Magnæ Britanniae Rege ad hujusmodi rem legata, ex numero discedentium sit metiendum, tamen æquum erit, ut quemadmodum Alumni defraudari prædicto subsidio nunquam poterunt, ita neque inopia pecuniæ opportunus eorum reditus ad Missiones vel obturbetur, vel impediatur. Hæc autem pecunia a Rectore credatur Exactori, qui eam deponat in S. Monte Pietatis, vel apud mensam, seu ut vulgo dicitur, in *Banco S. Spiritus*, ut Alumno in patriam reversuro restituatur.

Item post sex menses ab ingressu, vel quando-cumque Eñmo Protectori videbitur, polliceantur Alumni se paratos esse vitam Ecclesiasticam agere, & quotiescumque injunctum sibi fuerit, in Hiberniam ad lucrandas animas proficisci. Idque jurejurando confirmant secundum Juramenti rationem, seu formulam ab ALEXANDRO PAPA VII. præscriptam sub die 20. Julii 1660. post suam Constitutionem, quæ incipit: *Cum circa juramenti vinculum*; & cum moderatione expressa in Decreto postmodum promulgato a CLEMENTE PAPA IX. sub die 20. Decembris 1668.

CONSTITUTIONES

CAPUT III.

De observandis circa Pietatem.

OMnes, qui ad Ecclesiastica munera obeunda detinari cupiunt, oportet, ut ad eam vitæ perfectionem nitantur, ad quam præcipue vocantur Ecclesiæ Ministri, quorum officium est cæteros ad pietatem, & sanctitatem verbo, & exemplo allicere, atque excitare. Nemo proinde, qui in hoc Collegio vivit, muneri suo, & divinæ vocationi, atque hominum expectationi satisfecisse se putet; nisi divinæ plusquam humanæ sapientiæ studiis, eo potissimum tempore, quo in Collegio degit, vacaverit. Idcirco ea, quæ ad pietatem spectant, quæque in hoc Capitulo observanda proponimus, non perfunctorie, sed prompto alacrique animo omnes adimplere studeant, & peragere.

Primo igitur diluculo signo dato, & *Benedicamus Domino* audito, singuli *Deo gratias* respondeant, statimque e lectulo surgant, ac sanctissimo Crucis signo muniti suis induantur vestibus: & simul ac fuerint induti per semihoræ spatium abluendis manibus, aptandis lectis, componendisque cubiculis sedulo incumbant; & quod reliquum fuerit temporis ad animum orationi præparandum impendatur.

Ad Campanulæ signum omnes in Sacellum conveniant, ibique S. Spiritus in primis ope implorata Orationem *Domine Deus Omnipotens, qui ad principium hujus diei &c.* cum reliquis, quæ ad Primam in Breviario Romano reperiuntur, devote recitent, ac insuper meditationis argumento repetito, per horæ dimidium orantes ad Splendorem æternæ lucis oculos

COLLEGII LUDOVISIANI

7

los mentis aperiant; quo veluti diurno alimento accepto, & sæpius per diem repetito spiritus saginetur. Semihora autem elapsa, incruento Missæ Sacrificio omnes pariter religiose intersint, cui eorum aliquis alternatim superpelliceo indutus reverenter ministraret.

Quotidie ante prandium, & cœnam, facto signo ordinario, in idem Oratorium convenientes, genuflexi peculiari examine conscientias suas excutiant per octavam horæ partem, & psalmum *De profundis* pro defunctis recitent. A prandio vero, & cœna in prædictum Sacellum recta pergant, ibique Orationem Dominicam, & Salutationem Angelicam secreto quinques dicant, ac sanctissimum Sacramentum adorent.

Item priusquam vespertino studio animum adii-ciant, omnes simul sanctissimum sub Panis Eucharistici specie in Tabernaculo repositum Sacramentum per quadrantem horæ pie, casteque visitent, atque adorent.

Denique priusquam cubitum eant, in idem Sacellum convenientes generali examine conscientias suas excutiant, & scrutentur, ac præsertim inquirent, quid labis tota illa die contraxisse videantur: nec non privatæ meditationis materiæ pro sequenti die percipiendæ incumbant, donec a Rectore habito signo, per silentium recta ad sua cubicula pergant.

Verum quod pertinet ad cæteras quotidianas preces certis diæi horis peragendas juxta laudabilem Collegii consuetudinem; tabellæ, quam ad hunc finem proponimus, Alumni sese omnino accommodare debent.

In Cœnaculo, seu Refectorio, nemo audeat mensæ discumbere, nisi a Rectore Benedictione peracta; quod si forte Rector absuerit (quod aut nunquam,

aut

aut raro contingere debet) Præfectus gerat vices ejusdem. At vero, nisi cogente necessitate, atque Rectore annuente, abesse a communi mensa Alumnorum nemini liceat. Facto denique edendi fine, datoque signo ab eodem qui præest, simul omnes insurgant, & ad Breviarii præscriptum immortalis, & invisibili Deo debitas gratias persolvant.

Mensa autem durante perpetua lectio fiat, ac primo quidem totum fere sacrae Scripturae legatur caput; Reliquum vero temporis impendatur in lectione alicujus religiosi libri, qui simul intellectum foveat, atque dirigat voluntatem; ut quum cibus præbetur corpori, aliquod etiam tamquam pabulum mentis suppetat, & doctrinae. Dato autem signo colligendi fragmenta, Martyrologium Romanum legatur. Quod si loco lectionis Alumnorum aliquis concionetur, & concione absoluta in longum adhuc protrahatur mensa, lectio, ut supra dictum est, resumatur.

Præcipuis anni solemnitatibus, & rursus in singulos quindenos dies, post Missam in privato Sacello auditam, in Domum Missionis ad *Montem Citatorium* simul omnes conveniant; ibique tum collationibus, seu colloquiis, quæ pro Ecclesiasticis viris habentur, intersint, tum in Choro solemni Missæ sacrificio præsto sint, & sacramentali Confessione præmissa Angelorum pane se reficiant.

Cum autem in Ecclesia versantur, cogitantes omnes, *quam terribilis sit locus iste, quoniam vere Domus Dei est, & Porta Cali*, animum diligenter, & sensus custodiant; singulari modestia corpus componant; sacrum servant silentium; & perfecte in omnibus corde & animo Christo canant gloriam. Dum vero Ec-

COLLEGII LUDOVISIANI

ecclesiasticæ functiones in Altari exercentur , ad illas opportune animos intendant , ut rituum ecclesiasticorum notitiam acquirant , & in sacris erudiantur Ecclesiæ cæremoniis : Quarum rationem , & usum omnes exacte teneant , ut eas , cum a Chori Præfecto jussi fuerint , decore , quantum fieri potest , præstare post modum valeant .

Singulis Dominicis , festisque diebus nisi ad Domum prædictam Missionis perrexerint , in privato Collegii Sacello divinum Officium , Tertia , Sexta , atque Nona horis exceptis , singula suo tempore ad modum Chori sancte recitantes , persolvant ; ac insuper sese conformantes ad mentem Ecclesiæ , divinoque præcepto obtemperantes de Sanctificatione Festorum , lectionem alicujus religiosi libri singillatim non prætermittant .

Horis pomeridianis , præsertim Festis ut supra diebus , Collegio exeuntes sanctissimam Eucharistiam in Ecclesia , in qua per orbem exponi contigerit , adorare non negligant , & ad lucrandas Indulgentias populo exemplo sint . In templum autem ingressi , & huini procumbentes non surgant , nisi a Præfecto habito signo .

Denique certis anni temporibus , ac præsertim in majori hebdomada , & cum ad sacros Ordines sit quis promovendus , vel cum ad Missiones profecturus sit , spiritualibus exercitiis animum curet , præparetque ad *vias suas in lege Domini dirigendas* .

CAPUT IV.

De Aeditimo .

Aeditimus a Rectore eligatur unus ex Alumnis natu grandioribus , qui sacros Ritus calleat , & Cæremónias Ecclesiæ , quique in Sacris inserviando , Officioque Divino recitando præstet cæteris .

Ejus autem munus , ejusque partes erunt , Altare concinne componere , idque pro tempore ornare : Sacelli pavementum verrere , & præcipue curare , ut Domus Dei elegantia , ornatu , atque decoro maxime splendeat , nec sacra unquam supellex vetustate , & sordibus obsoleat . Quod si minus elegans aliquod deprehendat , vel indecorum , aut dissolutum , statim certiore faciat Rectorem , ut ejus auctoritate dissoluta reficiantur , & obsoleta in integrum restituantur ,

CAPUT V.

De observandis circa Studia .

CUM summopere cavendum sit , ne Adolescentes otio se unquam dedant ; hinc omnis cura adhibenda est , ut intellectus eorum indefinenter vel pietatis , vel litterarum studio occupetur , nisi cum relaxare animos certis diei horis est cuique eorum permissum : adnitendum est enim omnibus , qui Tabernaculo inserviunt , ut ad vitæ sanctioris laudem , litterarum , & scientiarum quasi lumen aliquod adjungatur . Postquam igitur quæ ad pietatem spectant tradidimus ; hic nonnulla circa litterarum studia præscribere , atque adnotare operæ pretium duximus .

In

COLLEGII LUDOVISIANI 22

In primis autem serio cogitent Alumni, qui Philosophiæ, ac Theologiæ studiis se dediderunt, quique ductores Animarum, & verbi Dei satores futuri sunt, quanti necessarium sibi sit studium veritatis, & summi boni cognitio, & quam vehementer etiam cavendum sit ab irreligiosa libertate, qua prava quorundam ingenia, ut vanam eruditionis gloriam aucuparentur, ingentem Religioni labem intulerunt. Considerantes ergo, cujus gratia, & qua mercede ab iis, qui *in sortem Domini sunt vocati* laborandum sit; indefinenter a Patre luminum postulent sapientiam, & ad ejus gloriam omnem laborum fructum referant.

Quapropter Collegii de Propaganda Fide Almæ Urbis Gymnasium quotidie frequentent, ut istiusmodi Scholis intersint; ibique erudiantur facultatibus, quas Præceptores edocere solent Adolescentes, qui sacris Missionibus sese devoverunt. Rector itaque, Præfectusque curent, ut Alumni assidui sint in hujusmodi munere, & ne unquam, sine urgenti necessitate, ab eo adimplendo fiant immunes.

Insuper Præsilibus suis obtemperantes, ingenio, & cupiditati suæ numquam nimis indulgeant, sed omni posita pervicacia, non alias sectentur doctrinas, neque alios amplectantur libros, præter eos, quos a Collegii Præsilibus vel impetraverint, vel acceperint. Totum fere Terrarum Orbem perniciosi occupaverunt libri, qui vel minus doctis, vel corruptis hominibus probantur, sive quod ad eos legendos invitantur illecebris turpis voluptatis, sive quod ab ipsis falsam aucupantur sceleratæ conscientiæ suæ tranquillitatem.

Quare Rector cubacula Alumnorum sæpius perlustret, ut si forte libros male olentes repererit, vel

prius ab se non recognitos, vel quavis legitima auctoritate proscriptos, vel utcumque per fraudem intrusos, graviter in Alumnos animadvertat: rursusque diligenter sciscitetur, quomodo istiusmodi perniciosos libros habuerint, vel a quo sint mutuati, ut hinc prohibere valeat, ne ipsi contagione huiusmodi hominum contaminentur.

Nemo Alumnorum, nisi necessitas urgeat, & Rectoris venia impetrata, a Scholis, vel disputationibus aberit, etiam domesticis, si quando ex Rectoris mandato litterarium aliquod exercitium Domi faciendum erit. Cæterum Præfectus diligentiam adhibeat, ut Scholas Alumni petentes, vel ad Collegium redeuntes, simul omnes progrediantur, silentium habentes, & nonnisi submissa voce, & latine loquantur, ubi iusta occasio loquendi contigerit. Verum ab omni disputatione abstineant, & si forte contumaciores invenerit, Rectorem statim certiores faciat, ut ipse castiget pertinaciam eorum. Si autem via gradientes aliquem in dignitate constitutum, Præsules, Religiososque viros offendant, statim nudato capite eisdem reverenter salutent; ut omnibus modestiæ, ac urbanitatis præbeant exemplum.

Dent operam omnes, ut ex litterariis exercitationibus eum fructum capiant, quo & sibi, & aliis suo tempore prodesse possint. Caveant autem, ne doctrinæ fructum ipsum insolentia, arrogantia, dicacitate, & pertinacia corrumpant; sed in omnibus seu inter se disputando, seu in Schola degendo, modestiam semper præferant, ac verecundiam; paratique sint studiorum rationem reddere, quoties vel qui præsumt, vel Præceptores postulent.

Domus vero manentes ad horarum Collegii distri-

stributionem sese accommodent, & a privato studio, etiam si vacent a Schola, nunquam vacare permittantur.

Quoniam vero nemo est qui ignoret cujus utilitatis sit Ecclesiasticis viris cognitio linguarum Hæbraicæ, & Græcæ ad divinarum Scripturarum, Sanctorumque Patrum uberiores intelligentiam: omnes vehementer hortandi sunt, ut in Collegio de Propanda Fide hujusmodi linguis addiscendis incumbant. Quemadmodum enim sanctissimi Viri linguarum cognitione apprime imbuti Hæreticorum errores facilius detexerunt, strenueque profligarunt; ita etiam optandum, ut Alumni, cum in Hiberniam sese contulerint, ubi Hæresis patria, & falsæ aliæ de Religione opiniones grassantur, fortiores sese præstent ad pugnandum pro Catholica Fide.

Sed quia Alumni ad Missiones destinantur, convenit etiam, ut in munere concionandi sese exercent. Ut ergo omnes ad Cathedasticos Sermones, & faciles, familiaresque conciones ad Populum in viam salutis dirigendum habendas, mature assuescant, & rite instruantur; festis diebus, vel quibus vacant a Schola, ex Evangeliiis a Rectore themate vicissim dato latine, vel italice concionentur, vel aliquam homiliam a SS. Patribus, & præsertim ex preclarissimo Ecclesiæ lumine Augustino, desumptam memoriæ mandantes, eam recitent: quod Rectoris arbitrio pro cuiusque Adolescentis captu relinquimus.

Theses publicas, non nisi exorato prius Eminentiſſimo Protectore, & ejusdem arbitrio tempore definito, præsertim in Theologicis disciplinis versati, priusquam a Collegio discedant, defendent. In privatis vero Academicis exercitationibus, Thesisque defendendis, Præsidium judicio, & consuetudini Academicæ

demæ Collegii de Propaganda Fide se accommodent.

Et quemadmodum ad Eminentissimum Collegii Protectorem pertinet, scientiarum studia præscribere, ita contubernii Alumnorum spatia vel producere, vel coarctare, prout vel degentium, vel iterum succedentium Alumnorum utilitati satius ipse in Domino prodesse judicabit.

Qui vero propter ætatem proximiores sunt, ut ad Sacerdotium promoveantur, saltem per sex præcedentes menses erudiendi sunt a Rectore in sanctitate Mysteriorum, in ritibus, & cæremoniis, ac præsertim in iis, quæ Missæ Sacratissimum Canonem attingunt. Curent deinde, quæ ex Sacra Theologia de Sacramentis, ac de eorum administratione didicerunt, in memoriam redigere, ut Sacramentorum naturam, ac vim cum deprehenderint, tum porro minime ignorent, & quomodo administrantur, ad Sacerdotale munus rite obeundum.

Denique confecto scientiarum curriculo, vel quandocumque Eminentissimo Protectori videbitur, quarendum erit ab Alumnis in conspectu ejusdem Eminentissimi Protectoris, atque Præfulis, an sint iisdem doctrinis eruditi, an scientiarum studio sint assidui, vel a bonis artibus, sacrisque disciplinis abhorreant; ut diligentes commendentur & retineantur, ac corripiantur, vel respuantur ignari.

C A P U T VI.

De Bibliothecæ Custode.

QUI est a Rectore Bibliothecæ curandæ præpositus, contubernio, ætate, atque ingenio cæteros præstare debet Alumnos, ne qui librorum custos adju-

adjudicatur, quid libri ipsi contineant haud turpiter ignorare existimetur. Quem si minus idoneum, vel in munere negligentem experiatur, a cura removeat, atque alium Rector substituat.

Ac in primis quidem maxime curandum est, ut adhibeatur munditia, & quidam librorum ordo, atque ornatus appareat, ut nihil sit, quod aspectum habeat deformem, vel cupientibus legere stomachum moveat.

Danda est igitur opera, ut generalis omnium librorum Index per ordinem Alphabeti exaretur, adscripta insuper forma, tempore, atque loco, quæ fuerit liber quisque typis impressus. Sit quoque in Bibliotheca Index librorum prohibitorum & Indicis Congregationis jussu novissime editus, ut omnibus innotescat, a quibus libris sit abstinendum.

Quod si Custos volumine vetustate, carie, situ, que corrupta reperiat, vel dissoluta, & male compacta, Rectori continuo deferat, ut ejus auctoritate vel instaurentur, vel restituantur.

Quibus autem, quo ordine, quæve hora Bibliothecæ adeunda patere locus debeat, Rectoris arbitrium erit, sine cujus auctoritate Custos neminem admittere valeat. Quibus vero permittitur, ut ad Bibliothecam accedant, eos silentium servare jubeat, cum studii tantum, non animi gratia libertas adeundi Bibliothecam concedatur.

Nemini autem legere permittat libros quomodocumque prohibitos, si legitima careant facultate.

Quibus a Rectore fuerit datum Libros e Bibliothecæ asportare, duo hi maxime caveant, ne scilicet aut eos dilacerent, aut ullo modo obliterent, aut transverso calamo signent, & ne unquam externis etiam ad exiguum

guum temporis spatium commodare audeant . Sed huc pertinet etiam præcipere , ut quando quisque Alumnorum libros e Bibliotheca depromserit , schedulam ejusdem Bibliothecæ Custodi relinquat , in qua asportati libri notentur , ut unde , & a quo sint repetendi statim intelligatur .

CAPUT VII.

De domestica disciplina .

QUoniam necesse est bonæ spei , & in primis honestos , ornatosque adolescentulos , qui clericalem militiam , uti genus ætatis degendæ sibi constituerunt , non tantum doctrina , & severioribus disciplinis informari , verum etiam & ecclesiasticis moribus in Collegio bene constituto imbui : præter cætera , quæ sparsim multis in locis superius dicta sunt ; nonnulla ad recte , religioseque vivendum præsertim comparata , hoc sub Capitulo in unum complecti curavimus .

Incidunt enim sæpe causæ , quæ animos conturbant , nec desunt aliquando turbolenti , atque factioni , qui non solum cæteris , sed nec sibi quidem acquiescunt . Omnes ergo communem cum cæteris vitæ rationem sequantur , seque ad Collegii instituta , & consuetudines accommodent : Neque quicquam peculiare sibi in lectulo , vestibus , libris , mensa , aut alia quacunque re usurpent ; ut omnis querelarum occasio , teterimum illud vitæ socialis venenum , prorsus tollatur . Sint autem in arbitrio Rectoris vel locorum ad mensam , vel cubiculorum distributio , vel alia hujusmodi similia ; qui communi bono cum semper debeat consulere , rectius quam adolescentes , quorum singuli vel quod

quod nimium ingenio suo indulgeant, vel quod sibi tantummodo consulant, quid faciendum, servandumque sit in Domino judicabit.

Rector item curabit, ut singulis in Collegio degentibus tam Ministris, quam Alumnis æquales cibi, & fercula æqualia afferantur; nisi qui aut valetudinis imbecillitate, aut morbo laborent. Insuper cautius Rectorem animadvertere volumus, ut epulæ, cibique non solum sint bene cocti, atque conditi, verum etiam suo tempore præparati, atque bene dispositi. Ex hoc enim fit, ut plerisque turpium sæpe querelarum occasio præcidatur. Quapropter binas tabellas ab Eño Protectore, vel a Præside, qui ejus vices gerit, subscriptas, Rector conspicuo loco affigendas curet, ut altera moderetur mensam, altera vero pro temporum varietate, ad omnia officia adimplenda horarum distributionem designet.

Alumnorum nemini liceat quamlibet pecuniam retinere, sed totam, aut secum eam domo patria pertulerint, aut inde a parentibus, vel amicis receperint, apud Rectorem, ut superius dictum est, deponant; ut ab ipso Bæctori postea credatur deponenda vel in sacro Monte Pietatis, vel in mensa, seu, ut vulgo dicitur, *in Banco* S. Spiritus, ut ad ipsorum necessarium usum servetur.

Nihil proinde, Rectore haud annuente, eis emere licebit: & sub pæna expulsionis in suo tantum officio adimplendo unusquisque versetur: aliena cujuslibet generis sint numquam agant, nihil de alienis inquirent, ac denique sua Collegii Præsilibus credant, & quæ subinde ab ipsis præcipiuntur, quamvis infirmæ carni gravia aliquando videantur, modeste amplectantur, religioseque adimpleant.

Nihil enim magis cavendum est studiosis, & ecclesiasticis adolescentibus, quam ne sæcularibus negotiis se dedant, vel unquam patiantur, occasionem ullam elabi ferendi crucem, & Jesum Christum sequendi, ut in ipsis semper obedientiæ meritum augeatur.

Silentium ad pacem, pietatemque fovendam, ad nutrienda studia, & animi perturbationes sedandas, avertendasque maxime conducens, sancte omnes statis temporibus servant. Nulla igitur colloquia studiis admisceantur: neque ante, vel immediate post orationem, Missam, & sanctorum Sacramentorum perceptionem confabulationes ullæ habeantur, ne diebus quidem relaxationi assignatis; quorum horæ reliquæ de rebus utilibus modestis sermonibus sine tumultu transigantur; & alumnorum verba, vultus, oculi, motus denique omnes decorum teneant, redolentque pietatem, atque disciplinam.

Et cum in omnibus quidam elucere debeat nitor, & mundities quædam apparere, tantum quæ non sit nimis exquisita, non erit hic alienum præscribere, ne alumnorum vitio parietes cubiculorum, atque pavimenta sordescant; ne ipsi vestibus dilaceratis in publicum prodeant; atque ut agrestem fugiant negligentiam.

Si singuli in singulis cubiculis degant, sine Præfecti venia haud in aliena ingrediantur: Nec unquam nisi ex urgente causa (veluti si quis graviter ægrotet) Rectore annuente, permissum sit binos in uno commorari cubiculo: neque in suo arma, cujuslibet generis sint, unquam retineant, neque arcam vel quid aliud obseratum habeant; & nullum repagulum, vel quid aliud introrsum foribus opponant.

Quod si domus symmetria peteret, ut plures lectuli in uno cubiculo existerent, ac ideo plures Alumni

COLLEGII LUDOVISIANI 19

nni in eo simul dormirent : strenue cavendum est , ne sive cubitum eant , sive lectulo surgant remotis involucris , atque integumentis , quæ circum cubilia feruntur , umquam nudati , vel seminudi prodeant . Cæterum Præfectus veluti custos cubiculi atque nocturnæ quietis , nullo appposito velamento , una cum ipsis somnum capiat , & insuper quam diligentissime curet , ut lucerna indefinenter ardeat , & in totum cubiculum splendorem emittat .

Ministrorum vero famulorum cubicula , promptuarium , coquinam , aliaque ejusmodi loca ingredi nemo ex Alumnis audeat . Si quid aliud necessitas suadeat , Rectoris judicium sit .

Colloquia cujuscumque generis cum famulis Alumni vitent , & nihil negotii , aut ignorante , aut non permittente Rectore eis committant , & ex consumptis vestibus , rebusque vel suis . vel Collegii nihil vel eis , vel cæteris donent ; itemque nihil sine Rectoris facultate recipiant .

Tempore , quo singuli privato studio incumbere debent , caveant ne per Collegium ultro , citroque vagentur : & quando secus necessitas postulet , teneantur exorare Præfectum .

Sint statæ ad deambulandum horæ pro varia tempestatum ratione , (nisi incidens necessitas aliud suadeat) . Locus vero , quo pergunt animi causa , nunquam sit in adolescentum arbitrio , sed a Rectore præfiniatur , vel si Rector abfuerit , a Præfecto , eorumque voluntati Alumni acquiescant . Ac post solis occasum Præfectus curet , ut redeant ; & in Collegium ingressi , simul omnes antequam ad cubicula pergant , in Sacellum ad brevissimum tempus Deo gratias agendi causa conveniant ; quemadmodum per campanulam

signo exeundi habito, semper se gerere debent antequam a Collegio discedant. Rectoris tamen officium erit, ut Alumni ad loca Urbis, quæ majorem tumultum, ac strepitum habent, non pergant. Cæterum Præfectus operam det, ut recta ad præscriptum locum se conferant, & ne longo itinere, præsertim æstivo tempore, defatigentur: & si quid peccarint, Rectori denuntiet, ut ipse in eos animadvertere possit. Verum cæteris exeuntibus, nemo domi remaneat sine urgente necessitate, & Rectoris permisso.

Præfectus, cum animi gratia deambulatum Alumni mittuntur, alios ab aliis secedere sine suo jussu non patiatur, neque eos solos umquam deferat, & tumultuarie per vias vociferari etiam de rebus scholasticis eos omnino prohibeat. Alumni veto meminerint verecundiæ, caveant nimis gestientem lætitiâ, & inaniter exultantem præferre. Contumelias vitent, neque contendant, sed jurgia caveant, siue de patria, siue de parentibus: ac tam de suo, quam de alieno nobili, vel ignobili genere concertationes fugiant, atque comparationes. Cum sibi insuper occurrentibus amicis moram non interponant, sed omni colloquio, nisi quam brevissimo, careant; & ad invicem salutati discedant; & rursus oculos custodientes caveant, ne ostium diabolo aperiatur.

Tempore ad relaxandum animum dato, nemini liceat a coetu aliorum separari sine permisso Præfecti; quod si ad longum tempus quis a cæteris segregari petat, Præfectus eundem ad Rectorem pro facultate remittat.

Domi autem commorantes ab externorum visitationibus, colloquiisque sese abstineant, & de iis, qui salutatum veniunt, nemo, Rectore non assentiente, admittatur. Nunquam vero in fenestra otientur, & ca-

caveant maxime ne quid aut nutibus , aut verbis indecorum admittant.

Si forte Alumnorum aliquis petat , ut ad visitandam personam ducatur , sollicitus sit Rector primum de negotii necessitate , & de honestate personæ ; ac deinde provideat , ne vel temporis , vel studiorum jacturam pariat , ne cæteris omnibus sit impedimento , & alia id generis , quæ prudentia sua erunt consideranda .

Epistolas ad externos , seu in Hiberniam , seu quocumque mittere si velint , prius ad Rectorem perferant resignatas , ut eas possit inspicere , & si expediat , arbitrio suo ipsæ mittantur , vel retineantur ; nisi ad quem litteræ scribuntur , majorem habuerit auctoritatem , quam Rector .

Si forte aliquando contingat , ut Alumnorum aliquis in morbum incidat , statim a Præfecto Rector admonitus Medicum arceffet , ut medicamentis adhibitis , quæ nulla parsimonia comparentur , curetur : Nec omittatur ab Alumnis pro gravi infirmitate in Collegio laborantibus , frequentes , & ferventes ad Deum preces fundere ; ut si ad majorem Sancti Nominis sui gloriam futurum sit , integræ ægrotum sanitati restituat .

Tandem in domesticis officiis , & actionibus , in colloquiis inter se , vel cum externis , in iis denique omnibus , quæ ad ipsorum doctrinæ , ac pietatis institutionem spectabunt , omnes obedientiam Rectori , aliisque ipsi subjectis Ministris religiose exhibeant , eosque semper observent , ac reverenter , & modeste cum iis ubique colloquantur . Ferant patienter , se ab illis admoneri , vel etiam reprehendi , aut si quando opus fuerit , prævaricantes aliqua poena affici . Secus autem
fa.

facientes, & quicumque notabiliter deliquerit contra bonos mores, pacem, & disciplinam Collegii, is statim e Collegio dimittatur.

Omnes denique intelligant tanto se aptiores futuros huic esse Collegio, & ad finem præscriptum consequendum magis idoneos, quanto ad pietatem comparandam alacriores, ad obtemperandum promptiores, & ad disciplinarum studia capeffenda diligentiores se exhibuerint. Unusquisque igitur Apostoli vocibus obediens, *qua vocatione a Deo vocatus est*, in ea Domino pacifice, & alacriter interserviat. Mutuam omnes inter se caritatem, benevolentiamque *in vinculo pacis*; *nemini dantes ullam offensionem*, diligenti studio foveant: modestiam atque humilitatem colant: contentiones, & æmulationes vitent, quæ cum opera carnis sint, eodem Apostolo testante, maximorum sæpe malorum causa existunt. Æmulantes ergo *charismata meliora*, quas in aliis virtutes cernunt, eas in se ipsis exprimere contendant, & eximæ virtutis exempla vicissim sumant; vitia autem, si qua forte in aliis conspexerint, vitare omnino studeant, & quæ sibi in aliis displicent, admittere reformident.

CAPUT VIII.

De Promovendis ad Sacros Ordines.

CUM Presbyteratus dignitas tanta sit, & opus conversionis hæreticorum tam arduum, ut nonnisi magnæ virtutis, constantiæ, & fortitudinis homines ad illud exequendum requirant; curandum erit, ut Viri probati, & in omni genere virtutum exercitati ad Sacros Ordines promoveantur.

Qui ergo ad mysticas oves pascendas sese devoverunt,

runt, ovium mansuetudinem induere debent, & sicut in cæteris, ita etiam in eo, quod promotionem ad sacros Ordines respicit, se a Præsidibus Collegii gubernari nullo modo repugnent. Sciant ergo nullum esse tempus suscipiendis Ordinibus præfinitum, sed arbitrio Eminentissimi Protectoris omnino remittendum, qui eos tantum promoveri jusserit, quos sibi pro virtutum meritis probatos maximo Animarum salutis emolumento futuros sperabit.

Si quos nondum expleto studiorum curriculo, ad sacros Ordines promoveri contingat: hi serio admonendi sunt, quod, cum erunt Sacerdotes, non minus inde adstrictos se intelligant ad Collegii regulas, legesque sancitas observandas, quam antea; sed potius, ut humilitate, obedientia, tam Rectori, quam cæteris ministris, & cæterarum virtutum exemplo cæteris præluceant.

Insuper, ut eorum qui in Collegio degunt nemo unquam ignoret, seu ignorare fingat hujusmodi sancitas Constitutiones, Rectoris Officium sit, ut singulis mensibus, excepto rusticationis tempore, ab Alumnis ad mensam integre legantur.

Denique animadvertendum est, Eminentissimum Protectorem ex Alumnis, qui in Hiberniam ad lucrandas animas erunt profecturi, approbationem, atque litteras commendatitias illis tantummodo concessurum, qui bonum sui specimen in Collegio præbuerint, quique *bonam rem fecerint, neque stulto labore consumpti fuerint.*

De œconomica administratione Domus .

Neminem profecto latet , quo major erit Alumnorum in Collegio degentium numerus ; eo quidem uberiores in Hibernia sacrarum Missionum fructum fore . Id quod maxime a recta redituum , bonorumque Collegii administratione pendere , nemo sane est , qui ignoret . Si enim aliquando contingat , ut census decrescat , necesse est , ut etiam minuatur numerus eorum , qui Collegii sumptibus aluntur . Antequam ergo his Constitutionibus finem imponamus , seorsum ab iis , quæ supra ad Alumnorum institutionem , disciplinam , & studia præscripsimus , de œconomica etiam rerum Collegii procuratione regulas statuendas censuimus . Quare inter graviores tum Præsidis , tum Rectoris curas hæc forte censenda est maxima , ut nullum vel ex culpa , & negligentia eorum , quorum præcipue munus est res Collegii curare , vel ex minus ordinata earundem rerum administratione , detrimentum inde Collegium ipsum capiat .

Ac primo quidem qui Ratiocinatoris munus exercet , quammaxime curare debet , ut Codicem , seu Librum generalem , quem *Magistrum* appellant , semper habeat in promptu : Qui sane Liber non modo conscriptos exhibeat fundos , & cætera existentia bona Collegii , sed insuper ea omnia singillatim contineat , quæ ad perspicuiorem , distinctioremque bonorum notitiam videntur conferre . Ejus igitur erunt partes , ut in eodem Libro publicæ referantur Tabulæ , seu Instrumenta , quibus bona ipsa dignoscuntur acquisita , & quomodo Collegio sint parta : Et separatim scriban-

bantur res, rationesque contractæ, datum, & acceptum; itaut statim inde Collegii status facile appareat.

Præterea curandum est, ut in eodem generali libro supputatio quædam seorsum exhibeatur tum pensionum, tum expensarum domus, quæ a JACOBO III. Magnæ Britannię Rege idcirco data fuit, ut subsidio impensarum itineris inserviret Alumnis, qui ad Sacras Missiones in Hiberniam redeunt; Et divisim in eo cujuslibet Alumni pecunia deposita notetur, ut quando quis a Collegio discesserit, rationes ipsi appareant, atque innotescant.

Unus Exactor Collegii redditus omnes exigit, ad quem Rector transmittat pecuniam, si ab Alumnis accipiat. Exactor vero, ut alibi dictum est, pecuniam ipsam vel apud S. Montem Pietatis, vel apud mensam, seu, ut vulgo dicitur, *in Banco* S. Spiritus deponat: & Ratiocinatori singulis mensibus rationem reddere teneatur pecuniæ, ut supra tum exactæ, tum depositæ.

Solutiones vero omnes tum artificum, tum cibariorum fient per mandata illuc directæ, ubi deposita pecunia extiterit: quæ quidem mandata a Præsule Collegii Præsidente, & Rectore subscribenda erunt, ut authenticam fidem habeant. Ejusmodi autem mandata erunt a Ratiocinatore petenda, ita ut creditores ei exhibeant creditæ summæ indicem Rectoris subscriptione approbatum; & rursus ne sit incerta solutio, vel error, seu æquivocum oriatur, creditores, pro quibus mandata extrahuntur, per apocam in mandatorum albo relatam de credita pecunia sibi satisfactum esse fatebuntur.

Quoniam vero quotidie occurrunt quædam minutiores expensæ, quæ a Rectore faciendæ sunt, ideo

singulis mensibus mandatum in hanc rem extrahetur ad maiorem, vel minorem pecuniæ copiam, prout Præsuli videbitur. Illius autem pecuniæ singulis pariter mensibus Rector rationes referat ad Ratiocinatore, ei codicem remittendo, in quo rationes huiusmodi descriptæ erunt, distinctum ordinem exhibentes rerum, pro quibus pecunia erogata fuit.

Emptiones rerum, quæ ferme quotidie necessario contingunt, ut panis, carnis, piscium, per schedulam fiant a Rectore subscriptam; & proinde ejusmodi rerum venditores opus erit, ut schedulas hæc ad singulos ternos menses ad eundem Rectorem deferant, ut ipse easdem recognoscat; itemque earundem pretio comprobato, eas ratiocinatori remittat. Quibus rite observatis mandatum, ut supra dictum est, pro creditoribus educatur.

Quare Rector Codicem habeat in promptu, in quo singillatim ordinariæ expensæ describantur. Insuper alium habeat librum, in quo omnia erunt notanda, quæ ad fundos, vineasque Collegii pertinent, ut distincte appareant, qui fructus inde percipiuntur, & qui sumptus in illis impenduntur.

Visitet sæpe prædia, & Bona stabilia ad Collegium pertinentia, ut ubique sacra tecta servantur; pro quibus si quid fuerit magni alicujus momenti aggradiendum, antequam manus operi adhibeat, rem cum Eminentissimo Protectore in Congregatione oconomica, quæ singulis mensibus coram eodem Protectore habebitur, conferat. Quæ igitur spectant ad domesticas rationes, jurium conservationem, bonorum amplificationem, prædiorum, ædiumque instaurationem, & locationem, fructuum exactionem, cæteraque hujus generis alia in dicta Congregatione coram

ram Eminentissimo Protectore , & Præside , aliisque Collegii administris semper pertractentur .

Sit denique Rector fidus rerum omnium , & librorum , quibus Collegii Jura , bona tum mobilia , tum immobilia , atque dati , & accepti rationes continentur , quique in Tabulario , seu ut vulgo dicitur , in Archivo ejusdem Collegii adservantur , custos , & servator diligentissimus .

Item operæ pretium erit alium habere Librum , in quo ordine scribantur Alumnorum in Collegium tum ingressus , tum *juramenti* ab unoquoque præstiti dies , mensis , & annus ; eorumque pariter nomen , ætas , parentes , patria , & denique discessus , ut ex his veluti quidam Annalium Collegii Liber in posterum conficiatur .

Atque hæc sunt , quæ pro salute dilectorum Alumnorum nostrorum , pro Collegii hujus progressu , & majori Catholicæ Hiberniæ Ecclesiæ felicitate constituenda censuimus . Ad extremum animadvertendum putamus , hortamurque in Domino Rectorem , ut quoniam curæ ejus legum custodia commissa est , eo cogitationes suas omnes , & labores conferat , ut sanctitas a Nobis leges ad instituendos , & infermandos idoneos Ecclesiæ ministros , & *fideles dispensatores mysteriorum Dei* , ab unoquoque , qui in hoc Collegio degit , non perfunctorie , sed quam diligentissime observentur . Si quid vero aliquando acciderit , quod neque hisce Constitutionibus cautum , aut præscriptum sit , vel etiam pro temporum opportunitate immutandum videatur , Rector continuo Eminentissimo Protectori denuntiet , ut si quid forte ad disciplinæ firmamentum , vel augmentum ipse in Domino melius , atque opportunius expedire judicaverit , auctoritate sua constituat , & jubeat .

F O R M U L A

Juramenti præstandi a quolibet Alumno
Collegii Hibernensis .

EGO N. Filius N. Diœcesis N. plenam habens Instituti hujus Collegii notitiam, legibus, & constitutionibus ipsius, quas juxta Superiorum explicationem amplector, me spontè subjicio, easque pro posse observare promitto.

Insuper spondeo, & juro, quod dum in hoc Collegio permanebo, & postquam ab eo quocunque modo, sive completis, sive non completis studiis exiero, nullam Religionem, Societatem, aut Congregationem Regularem sine speciali Sedis Apostolicæ licentia, vel Sacræ Congregationis de Propaganda Fide ingrediari, neque in earum aliqua professionem emitam.

Spondeo pariter, & juro, quod volente Sacra Congregatione de Propaganda Fide, vel Eminentissimo pro tempore hujus Collegii, Regniq̃ue Hiberniæ Protectore statum Ecclesiasticum amplectar, & ad omnes Sacros, etiam Presbyteratus, Ordines, cum Superioribus visum fueris, promoverer.

Item voveo, & juro, quod sive Religionem ingressus fuero, sive in statu seculari permansero, si intra fines Europæ fuero, quolibet anno; si vero extra, quolibet biennio, mei ipsius, mei status, exercitii, & loci, ubi moram traxero Sacram Congregationem de Propaganda Fide certiorabo.

Voveo præterea, & juro, quod jussu prædictæ Congregationis de Propaganda Fide, vel Eminentissimi pro tempore Protectoris, sine mora in provinciam meam revertar, ut ibi perpetuò in divinis administrandis laborem meum, ac operam pro salute animarum impendam: quod etiam præstabo, si cum prædictæ Sedis licentia Religionem, Societatem, aut Congregationem Regularem ingressus fuero, & in earum aliqua Professionem emisero.

Denique voveo, & juro, me prædictum juramentum, ejusque obligationem intelligere, & observaturum juxta declarationes factas a Sacra Congregatione de Propaganda Fide, & Brevis Apostolico roboratas sub die 20. Julii 1660. Sic me Deus adjuvet, & hæc Sancta Dei Evangelia.

FINIS.

*Ego Jacobus Walsh Corcagiensis
emisi supradictum juramentum
die 10 Aprilis A.D. 1785 completo
jam anno ætatis decimo septimo.*



Vertical line of text or markings on the left side of the page.

Small mark or characters in the center of the page.

